

Sakspapir

Sakshandsamar	Arkiv	ArkivsakID
Sveinung Toft	FA-L82	22/380

Saknr	Utval	Type	Dato
060/2022	Formannskapet	PS	31.05.2022

Sak om utviding av tilkomstvegen til Nordbygda idrettsanlegg og bruk av massar til næringsområde ved Dragseidvegen

Vedlegg:

Journalposttittel

tilkomstveg idrettsanlegget på Hosteland

Dato

25.05.2022

Rådmannen sitt framlegg til vedtak:

Det vert løyvd inntil krone 250.000 til utviding av tilkomstvegen til Nordbygda idrettsanlegg og bortkøyring av steinmassar til næringsområdet ved Dragseidvegen. Midlane vert finansiert over disposisjonsfondet.

Saksopplysningar:

Bakgrunn og fakta:

Masfjorden kommune ønskjer i samarbeid med Masfjord Fotballag å få utbetra tilkomstvegen ned den bratte bakken til idrettsanlegget. Utvidinga vil gje ein breiddeutviding i svingen ved bom, ny gangveg med breidde 1,5 meter levert med toppdekke med grus, samt etablering av open grøft langs veg stelt til med pukk. Det er også vorte observert dårleg fjell i skjeringa over eksisterande veg, og det gjer at det er viktig å få gjort noko på denne staden.

Overskotsmassane (sprengt stein) er stipulert til 395 m³ (faste), og inne i tilbodet som no ligg føre, kan steinmassane køyrast bort til det planlagde næringsområdet ved Dragseidevegen til ein kostnad på rundt 61.000 eks mva. Kostnaden med sjølve tiltaket utan bortkøyring kjem på rundt krone 183.000,- eks mva. Totalt vil tiltaket koma på rundt krone 250.000 ,-

Vurdering

Rådmannen vil peike på at denne saka berre gjeld utbetring av tilkomstvegen ned til idrettsanlegget,

og bortkøyring av massar frå dette arbeidet til det planlagde næringsområdet ved Dragseidevegen. Det vert vist til formannsskapsak 050/2022 i møte den 29.04.2022 om kjøp av dette næringsområdet.

Det vart den 24.05.2022 signert avtale med grunneigar i samsvar med vedtaket i formannskapet.

Vidare investeringar, som må gjerast i dette næringsområdet ved Dragseidevegen knytt til masseutskifting, planering og etablering av naudsynt infrastruktur med veg, vatn, avlaup, straum m.v. vil verta handsama i eiga sak når området er ferdig prosjektert. Eventuell avtale med den aktuelle næringsbedrifta, som ønskjer å etablere seg i området, bør og vera framforhandla før kommunen gjer ytterlegare investeringar på denne tomte. Ein vil og gje til kjenne at deler av denne tomte er myr, som på enkelte stadar er djup, og at det vil medføra stort behov for tilkjørte massar når denne tomte skal opparbeidast. Ein del av desse massane kan takast frå overskotsmassane frå utsprenninga av parkeringsplassen ved idrettsanlegget. Eigar av næringsarealet opnar for at kommunen først kan ta området i bruk når tomte er vorte overført kommunen. Venteleg vil det skje i løpet av sommaren.

Konklusjon

Rådmannen rår til at det vert løyvd inntil krone 250.000 til utviding av tilkomstvegen til Nordbygda idrettsanlegg, inkludert bortkøyring av steinmassar til næringsområdet ved Dragseidvegen.

Formannskapet - 060/2022

FS - behandling:

Saka vart drøfta.

Framlegg til vedtak vart samrøystes vedteke.

FS - vedtak:

Det vert løyvd inntil krone 250.000 til utviding av tilkomstvegen til Nordbygda idrettsanlegg og bortkøyring av steinmassar til næringsområdet ved Dragseidvegen. Midlane vert finansiert over disposisjonsfondet.